

STIFTINGA BRØRVIKSKUTO

Org.nr. 984 711 379 Bankkonto nr.: 3632.59.69975

Postadresse: Stiftinga Brørvikskuto, c/o Osterøy Museum, 5282 LONEVÅG. Tlf. 904 19 225

Styrelsiar: Anne-Mari Hannisdal

E-post: anne-mari.hannisdal@muho.no Mobil Anne-Mari: 995 22 014

Til

Bygdeutviklingsutvalet i Vaksdal kommune

Kolfyrprosjektet – å gjera «Brørvikskuto» sjødyktig att

Stiftinga Brørvikskuto søker med dette Bygdeutviklingsutvalet i Vaksdal kommune om kr 100 000.- til istandsetjing av «Brørvikskuto».

«Brørvikskuto» er heimehøyrande på Stamnes, og er ei 40 fot lang jekt av ein type som før i tida var vanleg i dei indre delane av Nordhordland. Kwart år sidan 2002, og fram til pandemiåret 2020, vart ho som den einaste skuta i sitt slag sjøsett og drifta av veneforeininga Skutefolket. Dei har i alle år drive ei omfemnande kulturformidling, i hovudsak retta mot born og ungdom. Dessutan har skuta vore med på å promotera heimbygda og heimkommunen gjennom deltaking på ymse festivalar og TV-program. Ein kan vel trygt seia at ho har fungert som ein identitetsskapar i lokalmiljøet. Meir informasjon om skuta og stiftinga finn de på denne nettsida: www.brorvikskuto.no .

Etter at pandemien sette ein stoppar for drift i 2020, var det med stor optimisme me sette i gong med å klargjera for sjøsetjing i 2021. Men då vart det oppdaga noko som vart eit hardt slag for oss alle. Skuta var sterkt angripen av kolfyr, og var difor ikkje sjødyktig. Kolfyr er ein brunrøtesopp som i visse fall kan fylgja med trevirket frå skogen. Han utviklar seg langsamt og treng lite fukt. Han bryt ned trevirket frå innsida, og på yta ser ein ikkje noko før det er for seint. Skutefolket har kvart år brukt mange dugnadstimar på vedlikehaldet, og skuta har vorte lagra turt i eige naust kvar vinter. Det er med andre ord ikkje dårleg vedlikehald som er årsak til skaden.

Me fekk ein representant frå Fartøyvernssenteret i Norheimsund til å inspisera skuta. Han kunne slå fast at det ville verta svært dyrt dersom dei skulle vøla ho. Dyrare enn det me kunne makta, og meir enn kva me kunne venta å få av tilskot. Då var det at denne ideen vart sett fram: Kva om me gjer det sjølve? Kva om me legg til grunn eitt av punkta i stiftinga sine vedtekter? Der står det at skuta skal vera ein kunnskapsarena. Dersom me leiger inn ein røynd båtbyggjar som rettleiar, og gjer so mykje som mogeleg av arbeidet sjølve, vil me då kunna klara det? Det viste seg at ei gruppe nevenyttige medlemmer i Skutefolket vart oppglødde for ideen.

Nokre veker seinare sette dei i gong under leiing av Ola Kristoffer Kvamme. Dei skrapa heile skuta rein for tjøre innvendig og delvis utvendig. Dei impregnerte deretter med Boracol 20 for å hindra spreing. Dei demonterte dei angripne spanta og teikna skantar. Deretter gjekk dei i skogen og leita fram gode emne, både til bord og til nye spant. God og tettvaksen furu, med lite kvist og mykje al, vart felt. Materialen vart skoren og ligg no til turk og ventar på å verta høvla. Det er gjort avtale med den kjende tradisjonsbåtbyggjaren Bjørn Ådne Kvalvik frå Fedje. Han vil etter planen koma fleire gonger for å hjelpa til med arbeidet og rettleia. Leiari for prosjektet er Ola Kristoffer Kvamme, og spørsmål kan rettast til han på telefon 971 42 085 eller på e-post kvammeo@online.no .

STIFTINGA BRØRVIKSKUTO

Som det går fram av budsjettet, er søknadssummen om lag ein firedel av den totale kostnaden, inkludert verdi av dugnad. Me trur at Bygdeutviklingsutvalet veit å verdsetja pågangsmotet og arbeidet som er gjort, og at de skjønar kor mykje «Brørvikskuto» har å seia for lokalsamfunnet. Her vil de òg kunna vera med på å stø formidlinga av den lokale båtbyggjartradisjonen slik at denne viktige handlingsborne kunnskapen vert vidareført.

Dersom finansieringa kjem på plass, er målet å få skuta på sjøen att i 2023. Meldinga frå kolfyrgjengen er i alle fall klår: «Detta skå me klara!»

Med venleg helsing
Stiftinga Brørvikskuto

Stamnes, 3. mars 2022



Oddvar A. Bukkestein
Styremedlem



Anne Mari Hannisdal
Styreleiar